

Crăin Județului, Săp.  
Promotorul Phil. Ord.

1632 30 martie 1.



kat. komp.

1103

1

Mog. St. Dr.

P.

Cinovski Ioan Bărbăntari: Nouăzeci  
în laudă Eximior, ar. Ven. XXI. Vintar.



D

E

D

C

3



# NOYΘETIKON IN LAVDEM

Eximiorum ac Ven. xxi. Virorum.

*Dum in florentiss:*

D. JAGELLONIS LYCÆO,

*A*

*Magnifico & Adm: Reuerendo Domino,*

D. IACOBO NAIMANOWIC, I.V.D.  
ac Professore, Cathedr. Eccl. Crac. Canonico, Archi-  
diacono Pileceń, &c. &c. Generali RECTORE  
& Procancellario Almæ Academix Crac.  
longe digniss.

Artium & Philosophiæ LICENTIATI in publica Clariss. Viro-  
rum luce, ac frequentia, renunciarentur.


*A*

M. IOANNE CINERSKI RACHTAMOWIC, Nowodwor,  
Dial. Profess. Contub. Hieros. Sen.

Honoris & obseruantix ergo D.

Anno Dñi, 1632. Die 30. Martij.

CRACOVIX, Apud Franciscum Casarium.



INSTEMMA  
ALMÆ ACADEMIÆ  
Crac.



*Ingeniosam aquilam Scepbris insculpsit anticus,  
Magno Tarquinius prouidus imperio.  
Docta Lycea fouent duo Sceptra fauentibus astris  
Illis an maneat dicite promptus honos?*

Stephanus Tarlo, Palatinid. Lublinen.  
Stud. Dial.



*Imperium felix, Patriam cunctumq; Senatum  
Hæc Sceptra ingeniis dum inuiolata vigent.*

Hieronymus Połubiński, Dux à Lubno,  
Castell. Mściśław. Stud. Poet.

*Vnum Mercurius Sceptro gestauit ocellum,  
Hic duo Sceptra, duo lumina adesse negas?*

Stanislaus Giżycki, Castellaniid. Cer.  
Stud. Dial.

*Sic bona posteritas Sceptris regnabit auitis,  
Vt tuus ille fuit Diue Iagello fauor.*

Paulus Stokowski, Stud. Dial.

*Felix ingenium felicia vota Senatus,  
Regia quæ doctis, Sceptra dedere viris.*

Nicolaus Niezabytowski, Stud. Dial.

*Zoile frustra iterum reparato dente laboras,  
Ingenium his Sceptris docta Minerua dedit.*

Ioannes Gratus, Comes à Tarnow,  
Stud. Poet.

*Ingenio Reges per regia symbola cerno,  
Consilium dedit hoc ingeniosus honor.*

Valerianus Wilczogorski, Stud. Gram.

*Ingenium Sceptris geniumq; tenemus amicum,  
Rumpatur quisquis rumpitur inuidiâ.*

Simon Solecki, Stud. Gram.



A D

*Magnificum & Adm̃ Reuereñ Dominum,*  
**D. JACOBVM NAIMANOWIC,**  
*I. V. D. & Profess. Cathedr. Eccl. Crac. Canonicum,*  
*Archidiaconum Pileceñ, &c. &c.*  
*Generalem Rectorem, & Procancell. Almæ Uniuer-*  
*sitatis Crac. longe digniss.*

**M**æcnas teneræ dulce decus lyræ  
Mæcnas roseum lumen Apollinis  
Mæcnas resonæ lux Academiae  
Mæcnas solidi præsidium boni  
Mæcnas Charitum Rector amabilis  
Mæcnas iuuenum norma Quiritium  
Mæcnas genij, dux bone, nobilis  
Mæcnas columen rebus in asperis  
Mæcnas gelidæ fulmen inertiae  
Mæcnas rigidæ flamma proteruiæ  
Mæcnas tacitis exitium hostibus  
Mæcnas generosi eloquij parens  
Expectata tibi carmina dicimus  
Omnes fausta tibi vota refundimus  
Namq; vltro auspicijs cuncta fauent tuis.

Catalogus



# C A T H A L O G V S

## DD. Licentiandorum.

1.	Ioannes	Ryznar.
2.	Laurentius	Strzezovvski.
3.	Ioannes	Sadłovvski.
4.	Damianus	Paiecki.
5.	Simon	Suchynski.
6.	Andreas	Kucharski.
7.	Stanislaus	Domaszevski.
8.	Gaspar	Gelasius.
9.	Sebastianus	Falkovic.
10.	Albertus	Dambrovski.
11.	Albertus	Papencouius, Vstieñ.
12.	Martinus	Kempczynski, Vstieñ.
13.	Stanislaus	Osędovvski.
14.	Ioannes	Helcner.
15.	Gregorius	Boruski.
16.	Christophorus	Wilkovvski.
17.	Michaël	Behm.
18.	Lucas	Wysogrodzki.
19.	Lucas	Piotrovvski.
20.	Ioannes	Grochalski.
21.	Adamus	Brosčius.

# NOYΘETIKON

I.

**A** Pud priores vt agere memoratu digna pronum, magisq; in aperto erat; ita celeberrimus quisq; ingenio, ad prodendam virtutis memoriam, sine gratia, aut ambitione, bonæ tantum conscientiaæ pretio ducebatur. *Tacitus in vita Iulij Agricole.*

## O D E I.

**F**elix ingenuo qui teneram supposuit iugo  
Cervicem, & solidis intrepidum finxit adorcis  
Pectus; nec facilem deseruit militiam puer  
Musarum, rigidam magnanimus pauperiem pati.

Non illum vacuo (grande malum) cecus amor sui  
Afflixit strepitu: non modicâ, Gnydia perfida,  
Fortem propositi, corripuit tabe libidinum:  
Nec consanguineus sollicitæ, iura proteruit  
Importuna bonis asseruit pectoribus stupor.

Altrix ingeniorum, imperij candidior parens  
Libertatis amor, presidium, Sydus amabile  
Septem interq; Triones rigidi frigorebus poli,  
Pulchris ecce simul pignoribus premia diuidit.

*Faustis*



*Faustis auspicijs ô utinam! dextro & Apollinē  
Istud magnificum concelebre conditionibus  
Infractis opus. ô perdita gens; ô male conscia  
Probris, turba procul, perge procul prodigialibus,  
Ergo perge procul, perge procul, iam procul, ô procul  
Hinc discede, fuge, erûpe, fuge hinc te eripe. Namq; ego.  
Crudi Bambaliones ego vos carminibus Sacris  
Inuitos quatiā, ne noceat, ne noceat nouis  
Importuna lues vatibus ô ne noceat meis.  
Nil hic flammigeris nil valeat turbinibus furor  
Nil diris rabies inuidie armata cohortibus.  
Adsit Religio, Simplicitas, Candor & aureus:  
Musarumq; frequens arripiat vel Cytaras chorus  
Vel buxos faciles, inde lyras, sistraq; tinnula  
Clangentesq; modis, ad numeros, ductilibus tubas,  
Et spiret geminis, non tacitum carminibus melos.*

## NOYΘETIKON

I I.

**A** Phricanus Socraticum Xenophōtem in manibus semper habebat, cuius in primis laudabat illud, quod diceret, eosdem labores non esse æque grandes, imperatori, ac militi; quod ipse honos laborem leuiorem faceret imperatorum. Cic. 2. Tuscul.

O D E

## O D E I I.

**Q**uem tu Phæbe pater semel  
 Nascentem roseo, lumine videris,  
 Illum non labor improbus

Subuertet rigidis conditionibus,  
 Audacis, rumide vices

Non fragent populi, precipiti dolo.  
 Non spes, non levis aut metus,

Virtutis solidâ vertet ab orbita,  
 Musarumq; choro eximet.

Sed qui Sarmaticis urbibus affluit  
 Vastus flumine Vandalus,

Finget Castalijs nobilem adorois!  
 Nympha dissociabili

Secernent populo, atq; inter amabiles  
 Vatum constituent choros,

Ne vulgi rabiem sentiat asperam.  
 O testudinis arbiter

Lentam qui inuidiam fortiter opprimis  
 O fractos quoq; spiritus

Erectura alacri, si libeat sana  
 Totum muneris hoc tui est,

Quod spernant lacera tela proteruis,

Can.



*Candoris Comites boni;*

*Quod Musis placeant (namque placent)  
tuum est.*

# NOYΘETIKON

## III.

**O**Mnes trahimur & ducimur, ad cognitionis, & scientiæ cupiditatem; in qua excellere pulchrum putamus; labi autem & errare, nescire, & decipi, & malum & turpe ducimus. *Cic. I. Off.*

## ODE III.

*Firmis nunc animis, nunc opus est pectore candido,*  
Ter septem egregij laude Viri pergite, pergite,  
Exornare bonis ingenijs Almam Academiam:  
Fælices etenim, fonte bono, tot bona commoda  
Deductis. Populi iam phaleras spernite inutiles,  
Robustos solidis pectoribus sumite spiritus.

*Firmis nunc animis, nunc opus est, pectore candido,*  
Non plaustum tumidæ, plebis emetis, neq; posteris  
Fumosas titulis, nobilium luce Quiritium  
Vendetis tabulas: sed meritis vos quoq; gloriam  
Debetis memorem non tacitis ferre nepotibus.

*Firmis nunc animis, nunc opus est, pectore candido,*

B

Virtus

Virtus ingenuis feminibus consociabilis  
Æternum decus, & tergeminos prorogat ordines:  
Fasces, imperium, nobilibus cum legionibus.  
Virtus illa regit, quæ dominis pulueribus potens,  
Exprobrar merito non solitæ signa licentiæ.  
Hanc circum medijs stat meritis prouidus imperi  
Candor; quem placidis purpureus lambit Etesijs  
Rifus, concilians non humiles ingenijs iocos.

*Firmis nunc animis, nunc opus est pectore candido,*  
Castæ sufficient Castalides insuperabiles  
Menti delitias ingenuæ: Vos modo pergite  
Sudantem interea compositi vertere pollicem  
Et certam vigilans ingenium ducere in orbitam.

*Firmis nunc animis, nunc opus est pectore candido,*  
Aspirate bonis Dij faciles mentibus indolem  
Aspirate nouis perpetuum pectoribus decus  
Felicesque dies ingenuis reddite sensibus.

## N O Y Θ E T I K O N

### IV.

**H**Æc studia adolescentiam alunt, senectutem oble-  
ctant, secundas res ornant, aduersis perfugium ac  
solatium præbent, delectant domi, non impediunt  
foris, pernoctant nobiscum, peregrinantur, rusticant-  
tur. *Cic. pro Archia Poeta.*



# ODE IV.

## Apollo ad Almam Academiam.

**A** Ge fortis, reparatrix bona, regni,  
 Preme docto, benevolentes, pede, flores  
 Tibi ridet comitantum chorus omnis legionum.  
 Tibi surgit resonantes dare laudes  
 Dea casti, moderatrix vaga, montis  
 Tibi cantus, tibi plausus, famulantur generosi.  
 Tibi puri sociantur iuga Vauli  
 Tibi Nympha fluuiiali vice saltant  
 Tibi longus Satyrorum salit ordo per apricum  
 Age pulchrum geminatis caput astris  
 Populari erige voto, erige mater,  
 Tibi surgit pretiosus numero laudeq; miles.

# NOYΘETIKON

## V.

**G** Aude meo, gaude tuo, gaude etiam publico nomine,  
 adhuc honor studijs durat. Studeamus ergo, nec de-  
 fidia nostræ prætendamus alienam. Sunt qui audi-  
 ant, sunt qui legant, nos modo dignum aliquid auri-  
 bus elaboremus. *Plin. Sec. lib. 4. epist. 16. ad Val. Pau-  
 linum.*

# O D E V.

## siue Echo.

**V**otis cuncta fauent! Phæbe veni, Phæbe veni tibi  
 Mansuris graciles carminibus Vandalides canunt,  
 Arridet geminis Aënius verticibus chorus!  
 Iam per plana, per abrupta, per imperuia dissoni  
 (Quoscumq; trahit deciduus gurgite Vandalus  
 Vndarum rapidis agminibus littora verberans)  
 Plausus defiliunt. Insinuat vocis imaginem  
 Echo, cum reparatis properat cantibus ultimam  
 Laudem effingere; mox concipiens ore modos leues  
 Et mox ausa loqui non retinet verba fideliter.

Ergo cum resonis Vandalides carminibus Dæ  
 Certant, illa cauos voce sonos reddere pertinax  
 Pergit: Dum geminant ô Socij Viuite, Viuite,  
 Hæc clamore refert dissimili, **PERGITE, PERGITE.**  
 Rursum illæ repetunt ô Comites **PLAUDITE, PLAUDITE?**

**AVDITE!** illa canit. Pignoribus turba recentibus  
 Votis ergo faue (reddit **AVE**) tanta negotia  
 Multum laudis habent! (**AVDIS! HABENT:**) iam  
 resonabilis

Nymphæ, Phæbus adest, ô Comites, Phæbus adest canunt,

(**EST, EST,** hæc repetit) Phæbe faue dulce decus lyræ  
 (**IRÆ,** Echo resumit) Phæbe pater perge potētibus  
 Ornare



Ornare ingenijs (hæc GENIIS) Almam Academiam  
(IAM, IAM) Palladio quæ grauis est puluere! (VERE  
ait)

Virtutemq; colit non tacitam! (VITAM ait) inclytum  
In turbis Column: (tum VRBIS ait LVMEN) amabile  
Regni præsidium, & temperies! (illa QUIES refert)  
Libertatis asyllum solidum, pacis adoreis:  
(REGIS congeminat) Nam iuuenes (illa SENES ait)  
Excelsis generosi meritis! (SCITIS ait) senes  
Fractos vt superent ingenio, non iuuenilibus  
Annis (GANNIS ait) fonte sitim Pyerio leuant  
(EDANT) sed satiant alma Lycæa? (addidit HÆC  
MEA?)

Olim condiderat quæ ille Iagello bonus? (intulit  
PATRONVS) Patriæ & dulce senatus decus optimi  
Hostis fulmen atrox perfidi? (at illa ore refert cauo  
VIDI) illum referent astra super lucida posteri?  
(VERI?) Qui bonitatis vel opes, vel bona publicæ  
Sortis non videat, pectore alit plusquam adamantinam  
Fibram! (HYDRAM Echo refert) Magnanimus quid  
Nouoduorscius

An lentum peperit Sarmaticis ingenijs decus?  
Effusis tenerum cum inseruit seminibus bonum?  
Præfecitq; Deas indocili ludere puluere?  
(VERE? VERE? ait) ô Quid memorem Te decus au-  
reum

VLADSLAVI? Ecce ferunt ecce Tibi lilia candida  
Recentesq; rosas, & violas, & Casiam, & Crocum

Gratæ Castalides: & tumulum spargere floribus  
Mandant, & tumulto hæc verba modis ritè loquacibus  
Figunt. Relligione, ingenio, laude, fide potens  
Et candore bonus deposuit corporis hic sui  
Vates exuuias, astra petijt mens generosior!  
Cælum & pro meritis in Patriam, remq; Academicam  
Cernit, quam memori restituit munificentia;  
Assidetq; Tibi, purpureo nectare, Olesnici  
Fælix! laurigerum qui meritis prouidus arbiter  
Erexti penetral: Quod dolor heû! sed fugite ô fugite  
(Horresco referens) Ne pueri vos maneat malus  
Casus: ruderibus pars hiat hæc dissociabilis,  
Euibratq; graues cardo ruinas. (Dea iam MINAS!  
Clamat) Pyerios si quis adhuc restituat lares  
Auertatq; luem sollicitis corporibus grauem  
Victuris memorem carminibus Vandalides canent.





Literæ discuntur facile, si & tantum sumas, quantum  
opus sit & habeas qui docere fideliter possit, & scias ipse  
etiam discere: ita ut facilis usus doctrinâ confirmet, me-  
diocris opera tribuatur, memoria studiumq; permaneat.

*Cic. lib. 3. de Orat.*

Sunt qui scire volunt eo fine tantum, ut sciant & turpis  
curiositas est; & sunt qui scire volunt ut scientiam suam  
vendant, & turpis quæstus est; & sunt qui scire volunt, ut  
sciantur ipsi, & turpis vanitas est. Sed sunt quoq; qui sci-  
re volunt ut ædificent, & charitas est, & sunt qui scire  
volunt, ut ædificentur, & prudentia est.



Handwritten text, likely bleed-through from the reverse side of the page. The text is mirrored and difficult to decipher.

Handwritten text, likely bleed-through from the reverse side of the page. The text is mirrored and difficult to decipher.





Biblioteka Jagiellońska



stdr0025641



